

→MUKA DUA

Peralihan kepemimpinan tentu hala tuju Khazanah

→ Sembilan ahli Lembaga Pengarah tawar diri letak jawatan

Oleh Bisnes NSTP
bhbiz@nstp.com.my

Kuala Lumpur

Peralihan tumpuk pimpinan dalam Khazanah Nasional Bhd (Khazanah) dianggap sebagai langkah yang akan membolehkan sayap pelaburan kerajaan itu menentukan hala tuju baharu selaras dengan situasi ekonomi dan pasaran semasa.

+ Pakar ekonomi, Prof Dr Barjoyai Bardai, berkata tawaran peletakan jawatan sembilan ahli Lembaga Pengarah, termasuk Pengarah Urusan, Tan Sri Azman Mokhtar dan Pengerusi Eksekutif, Tan Sri Nor Md Yusof bakal membuka laluan kepada kerajaan memutuskan kepemimpinan Khazanah bagi memacu arah tuju sayap pelaburan kerajaan itu untuk tempoh selanjutnya.

Beliau berkata, selama ini Khazanah mempunyai prestasi yang cemerlang, namun pencapaian itu dilihat 'statik' di sebalik pelbagai kejayaan yang sudah diraihnya.

"Sudah tiba masanya Khazanah diisi barisan kepemimpinan baharu dengan bakat lebih muda dan berpengalaman dalam industri

memandangkan dunia perlu berdepan dengan pelbagai cabang yang baru muncul seperti Industri 4.0, Internet Segalanya (IoT) dan kecerdasan buatan," katanya kepada Bisnes NSTP di Kuala Lumpur, semalam.

Tindakan selepas dikritik PM

Khazanah mula beroperasi pada 1994 dengan Perdana Menteri, Tun Dr Mahathir Mohamad sebagai Pengerusi pertama. Ia bermatlamat menguruskan aset komersial kerajaan serta melabur dalam sektor strategik dan teknologi tinggi.

Semalam, sayap pelaburan kerajaan yang memiliki pelaburan dalam lebih 100 syarikat itu, mengesahkan semua ahli Lembaga Pengaruhnya, menawarkan diri untuk meletak jawatan dan ia akan mengeluarkan kenyataan baharu selepas mendapat butiran selanjutnya mengenai pembentukan Lembaga Pengaruh baharu.

Keputusan itu dibuat beberapa minggu selepas Dr Mahathir mengkritik Khazanah kerana tersasar daripada matlamat asalnya untuk membantu Bumiputera.

Dr Mahathir berkata, beliau mendapati, Khazanah dilihat melakukan perkara (pelaburan dan pemilikan) pelik, termasuk terbaik dalam pemilikan perumahan dan mengambil alih syarikat.

Rancangan penggantian

Peletakan jawatan semua ahli Lembaga Pengaruh Khazanah itu berkemungkinan akan menyebabkan lebih banyak perubahan peringkat tinggi dalam syarikat berkaitan kerajaan (GLC) khususnya

dalam beberapa minggu akan datang.

Sementara itu, rancangan penggantian sedia ada untuk menerajui Khazanah adalah dua Timbalan Pengaruh Urusannya, iaitu Ahmad Zulqarnain Onn dan Tengku Datuk Seri Azmil Zahruddin Raja Abdul Aziz.

Khazanah, yang diperbadankan pada 3 September 1993, diberikan mandat untuk menguruskan aset komersial selain melabur dalam sektor strategik dan teknologi tinggi.

Setakat akhir tahun lalu, nilai asetnya mencapai RM157.2 bilion dengan nilai portfolionya berkembang pada kadar pertumbuhan purata terkumpul (CAGR) sebanyak 9.6 peratus setiap tahun.

Terus kesinambungan baik

Mengulas perkembangan itu, Dekan Fakulti Ekonomi dan Pengurusan (FEP), Universiti Putra Malaysia (UPM), Prof Dr Zulkornain Yusop, berkata kesinambungan yang baik perlu diteruskan untuk kepentingan negara dalam jangka panjang walaupun berlaku perubahan besar dalam pengurusan atasannya.

"Kita tidak mahu perkara yang bagus terbantut dengan isu ini (peletakan jawatan), apa yang bagus untuk negara perlu diteruskan. Hala tuju pembangunan perlu diteruskan kerana ia bukan mengambil masa satu atau dua hari untuk dilaksanakan," katanya.

Beliau turut mengingatkan kerajaan sedia ada supaya menjaga amanah yang dimandatkan oleh rakyat tanpa mendahului kepentingan individu.

tangan pihak lain.

"Khazanah milik negara, siapa yang jadi ketua negara kena pastikan kesejahteraan dan manfaat rakyat. Kerajaan baharu bermakna rakyat mahu perkhidmatan lebih baik. Jika kerajaan tidak peka dengan kehendak rakyat, tidak penuhu cita rasa dan rintihan rakyat, akan datang rakyat akan tukar kerajaan semula," katanya.

Tumpuan pelaburan Khazanah

Penganalisis Ekonomi dan Pensyarah Kanan Putra Business School, Dr Ahmed Razman Abdul Latiff, berpendapat meskipun kemungkinan berlaku rombakan struktur pengurusan tertinggi Khazanah, hala tuju syarikat pelaburan perlu dikemaskini dengan teliti.

"Impak pelaburan yang dibuat mampu memberikan perubahan ketara kepada negara, terutama dari segi penambahbaikan sosio ekonomi rakyat, selain kekayaan negara dikongsi sama rata dan tidak ada lagi jurang pendapatan atau kekayaan terlalu luas," katanya.

Beliau turut menegaskan, pelaburan Khazanah seharusnya bertumpu kepada kemakmuran negara dan bukan hanya kepada sesuatu kaum sahaja.

Bagaimanapun pada masa sama, beliau mengharapkan kerajaan mempertimbangkan untuk tidak menerima semua peletakan jawatan itu, sebaliknya mengelakkan individu yang mampu serta berkelayakan untuk menggalas tanggungjawab dengan penuh profesional.



Sudah tiba masanya Khazanah diisi barisan kepemimpinan baharu dengan bakat lebih muda dan berpengalaman dalam industri memandangkan dunia perlu berdepan dengan pelbagai cabang yang baru muncul"

Barjoyai Bardai,
Pakar ekonomi



Pelaburan Khazanah seharusnya bertumpu kepada kemakmuran negara dan bukan hanya kepada sesuatu kaum"

Ahmed Razman Abdul Latiff,
Penganalisis Ekonomi dan Pensyarah Kanan Putra Business School



WAKTU SOLAT

IBADAT & FADILAT

📍 'Amr ibnu 'As RA berkata beliau mendengar Rasulullah SAW bersabda: "Aku diperintah untuk bercakap dengan ringkas kerana percakapan ringkas itu lebih baik."

(HR Abu Daud)

Kawasan	Subuh	Zuhur	Asar	Maghrib	Isyak
Kangar	5:51	1:28	4:49	7:39	8:53
Alor Setar	5:51	1:27	4:49	7:39	8:53
P. Pinang	5:53	1:27	4:49	7:37	8:51
Ipoh	5:52	1:25	4:47	7:34	8:48
Kuala Lumpur	5:51	1:23	4:45	7:30	8:44
Shah Alam	5:50	1:23	4:45	7:30	8:44
Johor Bahru	5:45	1:14	4:36	7:19	8:32
Kuantan	5:46	1:17	4:39	7:23	8:37
Seremban	5:51	1:21	4:43	7:27	8:40
Bandar Melaka	5:50	1:20	4:43	7:26	8:39
Kota Bharu	5:49	1:20	4:42	7:31	8:41
K. Terengganu	5:42	1:16	4:39	7:26	8:40
Kota Kinabalu	4:49	12:24	3:46	6:35	7:49
Kuching	5:20	12:49	4:11	6:54	8:07

PILIHAN TERTINGGI



- Tak jamin graduan pendidikan jadi guru
- Khairy dakwa PM kelirukan Dewan Rakyat
- Cadangan ubah cuti hujung minggu dibantah
- Hafiz catat 10.28s di Jerman
- Subjek Sejarah bukan syarat iktiraf UEC
- Bulan berdarah serentak gerhana bulan esok dan lusa